

同里志卷之十三

人物志四

仁壽

仁者宜壽五福之首於世未易數數見也里中有之允宜昭茲來許志仁壽

李真子昱

任伯通子德

章化光

顧而謀

顧士律

顧鼎隆

周顯

陸雲慶

周祚新

孫承恩

朱夢鯨

朱夢鯉

陸琇

張歐治子拱端孫長應

顧世梓

嚴仁

顧慶文

任乾子德森

顧鼎勳

王景益

嚴孚敬

吳之彝

吳之胄

龐宇侗

周爰謀

王之相

王之梓

浦友慶

王尙文子樹圻

徐煥

葉永億孫懷坤

顧受介

范景烈子時勉

范景燾

沈煥新子培源

王銓子宏業曾培

同里志

卷十三仁壽

一

袁學洙

姚世法曾孫墀

顧我柏曾祖世美祖佑禔本生父啓濂嗣父啓泚

凌學灝

顧傳師

陳天揆

任球孫謨

任琳子祖望

朱光震

任思敬子鳳輪

顧懷慈

元

李真字允真年三十喪妻未葬偶他出家失火焚其棺真歸號痛收骸骨葬之而虛其左以自待終老不再娶子昱字景昭常明初嘗輸粟百斛賑飢有司詳旌以冠帶辭不受人稱其世義云真儻有為襟懷洒落性亢直篤於行義見貧困可矜則惠粟以周之雖豪貴有過亦正言以折之心地坦夷是非無所隱嗣續繁昌享上壽以終景昭弱冠掌糧儲裨贊邑政事無妄為言必當理鄉民皆信服之

明

任伯通字公啓明初自宜興來吳江卜築龐山湖濱居焉性好道學參究道德參同微旨恬澹無為不慕聲利翊靈道院歲久傾圮伯通獨鼎新之又建道經堂所儲不下道藏之半焉又於院東栽桑種竹結廬其中朱仲甫題曰棲逸草堂吳驥嘗有贈詩以太學諸生邑舉德行給冠帶授承事郎壽九十卒子德邑諸生工詩與顧寬兄弟善有詩載感梅集

見莫志

章化光字陽峯以諸生入監博學高才剛毅有守嘗有某廣文奉聘入簾以東招化光欲爲之援引化光謝曰以鑽營取科第何以對妻孥卒却之陳侍御王道幼聰穎化光識爲大器憐其貧延之家塾三年王道得成名然性極高亢不與人接人多不滿者本續先哲志下二傳同

顧而謀字振魯曾唯第五子仁厚謙謹敦行孝弟以羅星洲砥柱諸水下流繫一鎮文運攸關湮沒歲久倡議築基建關聖祠捐多金爲衆先天啓辛酉長子祖奎舉於鄉官二千石爲明忠臣同川自此文風丕振科第繼起

顧士律字太和邑諸生生平謹飭與人交煦煦然無忤色嘗有周氏將營葬父母其墳塋在士律居第之南形家言有妨左右隣里將誹禁之以謀於士律子孟明孟明以告於士律士律曰不可葬親孝也何可阻脫有妨命也於是周得畢葬云

顧鼎隆字爾調邑諸生固窮之節范丹董京堪鼎立也近寒積雪臥無衾席以稻草兩束藉地夫婦和衣而眠明日天雨炊無薪以所藉供竈至夜端坐達旦貧困如此親友周之亦不輕受終身不識縣門

周顯字文明太醫院使鑄孫幼爲隣翁鄒昇後能父昇母昇妻有幹蠱功昇老始有子爲撫之成立盡舉其業歸之無所取焉又爲償其逋人以爲難嘗假人錢百緡不能償者輒焚其券其躬自厚而薄責人又如此本陳理聖墓誌陸雲慶字善卿又字景卿諸生府寧次子邑諸生性好學博覽羣籍嘗選唐詩類編又輯四部類稿六十四卷十年

# 同里志

## 卷十三 仁壽

而成中年篤信禪悅究心大乘注金剛經文約義明能補宗泐所未逮歲荒佐具父賑飢施粥嘗脫妻簪珥以易米與兄雲祥友愛析居後非風雨必候起居年六十六無疾而逝子璿字殷六邑諸生著有關中集璿字淇侯並好學潔行爲里人推重本續先哲志

### 大清

周祚新字永之家世業儒明理敦倫孝友之稱重於鄉黨積學嗜古經史而外凡星卜堪輿之術靡不究心塵談塵聲聽者忘倦平生信義待人無纖芥之僞還遺金濟貧乏罔不稱爲仁人長者啓迪後進立條約以表率之弟子多所成立順治中累舉鄉飲大賓子爰訪成進士初不以子貴而易操一時德行莫之或先也年八十三而卒見邑志

孫承恩字環川弱冠葬祖孝養父母撫育幼弟皆爲人所難能嘗捐金修慧日禪院及洞真觀又觀前爲之築石岸砌石街植榆柳順治十年縣舉耆碩按院給年高德邵額卒年七十七子鄂字來彥孫澄深皆虔修蓮社克承前

### 業

本願汝敬志稿

朱夢發字元正志祥世孫邑諸生事親孝遇族黨有恩年九十五步履安祥而神明不衰明宏光元年邑令葉給文耆額國朝順治八年邑令周舉鄉飲大賓給八廟人瑞額真年高德邵而爲行地仙者也本續先哲志下同

朱夢鯉字化正章志教授四十餘年諄諄以孝弟忠信爲訓初大父得奇疾伏枕三載夢鯉佐其父養病床蓐雖風雨之夕必歸侍焉遇親友緩急竭力拯之拾人遺金還之好元學於靈寶叅同諸書皆能究其奧年八十四浴水而逝人以爲水仙云吳門越蔣題曰沛國惇史

陸琇字淇侯年十二鼎革時營兵擄至鎮後訪知得歸及長蜚聲藝林咸屬金世漢囑學使某欲援之琇託病不與試世漢益重琇延爲塾師後因其子任澤州世漢以印篆託琇一僕賂求用印堅卻之居家和順以承親撫孤姪某至成童博學善吟詩著有客窗吟綠窗吟釣灘集又有松林八景詩善畫者因詩補圖裝成巨冊遠近名流跋和者不下數百家從孫廷聘什襲藏之足徵前輩風徽本吳涑增輯先哲志

張國治字安字性好施捨飯僧二萬餘名遠近橋梁寺觀往往捐貲以助工康熙丁未邑令舉鄉飲賓年九十四無疾而逝子拱端字君舒孫長歷長元相繼爲善里中稱其世德本續先哲志下同

顧世梓字玉林顧謙作維繫事親能孝嘗爲叔元節構室同居備極周恤弟益堅早亡撫其子女成立外舅無子迎養二十年歿爲營葬並爲置後嘗曰施而自德不如勿施德而責報與無德同年六十八卒父祖義字元方屹屹燈窗艱於一衿壽同賈至士林共惜之

嚴仁字子春明自嘉靖以前役務煩重吳江尤甚仁承役不避知縣喻某禮重之每遇歉歲出粟貸鄉農弗計償否

# 同里志

## 卷十二 仁壽

其歿也徐師曾爲之銘見任兆麟吳江續志

任慶文字孟卿爲人忠信篤敬自紳士大夫以至里中父老皆敬服之歲收租入遇不能償者輒銷其籍佃農皆感

頌之生平行事庶幾在邦無怨在家無怨云本續先哲志

顧夢乾字易始諸生大任子國學生生而淳篤年十五卽手書晦翁存忠孝心行仁義事八字揭之座右曰如此可

成人侍父三十餘年晨夕不離父歿置祭田以供祀事生平布衣蔬食能甘淡泊所著有孝經釋義一卷杜律舍

英二卷子德森字啓元國學生與里中王前朱虎林吳濂輩飲酒論文日相過從先卒本顧棟高撰傳

顧鼎勳字蓋臣謹愿老成勇於事功里中小川橋捐貲易石行人賴之又精瘍醫濟人康熙中舉鄉飲賓里中皆敬服之見顧謙

王景益字受茲爲人胸中無瑕類遇事每視人猶一體干而輒應以館穀資生不忍負人一錢遇歲飢嘗以糠粃自

飽偶有斗粟見餓者輒給之無吝色病革撫其子孫笑語自若怡然而逝本吳涑增輯先哲志下同

嚴孚敬字萃彝府庠生揚先子也揚先博學工文屢躡場屋金文通之後乃其始文也欲援引而辭之其安於義命如此孚敬恬退似父一室中書史自娛淳心質行並有古風又勇於爲善康熙九年大水殷家橋鄉人貸米二百餘斛籽粒不責其償人感其義呼爲嚴佛子著有易經解

吳之彝字繡石性孝友從外舅任大任學書館之暇祖孫父子兄弟融融一堂日以爲常父館於外則奉母惟謹兄  
喪偶遺一女撫之如己女幼善屬文賦詩淡於功名不慕榮利能以禮義自守親戚有困乏周之惟恐不逮訓子  
姪以禮義爲兢兢晚以詩文自娛著有素菴集吳氏家訓卒年七十五

吳之胃字介臣之彝弟孝親敬兄視田所得脯修悉以奉父母人或貸之一無所吝恆不責其償晚年常談笑於僧  
房寂靜之所曰非佞佛也爲遠俗耳卒年八十有八

龐宇侗字德初吳志作儒初繼六世孫幼英敏力學有聲士林鼎革時痛父柩被盜所焚備言父生前之苦輒涕泣不止  
性醇厚康熙丙寅邑令郭舉鄉賓以齒崇德懋四字旌其門卒年八十

周爰謀字孔嘉爰訪仲弟至性過人年屆耄期積累而穀鄉人有乞假必應夜半有人叩扉詭言舟次大廟口爲夜  
客所窘須二千錢以解如數與之其好施若此居市廛數十年恂恂有儒者風鄉里推其行誼康熙中累舉鄉飲

介賓年九十一卒本周晉  
旌行略

王之相字沂鍾邑庠生生長富厚蔬布終身爲人寬厚尚義比隣周爰訪爲祠部時貸以貲倍償之弗受強之乃受  
其半鄉黨多以此德之居家出入處必書先儒格言自警卽以誨子弟墻廡掃少孤遭家多故之相收恤俾立室  
家恩意至厚繆居三十年圖書自娛怡然忘老卒年七十二子謂爲名諸生孫文沂時彥相繼登賢書皆其餘慶

# 同里志

## 卷十三 仁壽

四

也本龐民  
與撰傳

王之梓字子溼景益子居鄉以耕讀傳家宅心仁厚與人交不以貧賤富貴有二致教子弟惟以孝弟勤儉因果報  
應諄諄不倦子大業字錫成新穎字大成後先遊庠一庭之內和氣藹如之梓優游晚景年九十一而卒本吳泚  
增輯先

哲

浦友慶字紹德爲人謹慤不要虛譽爲里中矜式乾隆元年邑令口舉鄉飲賓本采錄  
先哲志

王尙文字周際號綱齋吳邑庠生孝友尙義父歿家產悉與兄弟共延名師教兩弟俱登賢書撫孤姪至成立通族  
祭產設法贖金生息增擴前業其他勸建義塾社倉每率先爲之倡著有家規要旨子樹圻字東郊國學生亦孝

友尙義乾隆八年捐九里湖蕩田十一頃有奇於育嬰堂邑令張曰謨詳題議叙州同知本吳大  
受撰傳

徐煥字天章太學生山周莊遷居鎮之網漣圩圩有大木橋行人艱於步履乾隆十一年煥捐十餘金易石獨建名

泰來橋行人來往賴之本周晉  
撰傳畧

葉永億字友良樂善好施里中有不足者輒爲調濟乾隆乙亥歲飢邑令張勸捐永億出粟以濟鄉里貧乏後太守  
旌以尙義可風額獎之孫懷坤字萬程少孤旋又遭祖歿承先志而自立亦能恤宗族惠桑梓人咸欽慕其行云

顧受介字景王仁厚謙謹敦行孝弟待親故曲有恩意宗黨有事一持公正斷之乾隆中邑令某舉鄉飲賓本采錄  
先哲志

下二  
傳同

范景烈字備武號承哉徵仕郎候選州司馬贈儒林郎少孤稟性剛捨棺給衣周卹貧困圩有太平橋將圯出貲重建乾隆二十四年邑令王用鑑舉鄉飲介賓長子時勉字寶傳號懷溪儒林郎候選布政司理問克承先志嘉惠宗黨捐田產續乏嗣之享祀給衣食周無依之孤苦人稱世德云

范景壽字履中識高才膽慎取予重然諾能以信義口人宅心仁厚待人以寬遇宗黨有困乏者周之惟恐不逮凡敬宗收族之事克捐金而不惜所謂諄厚崇禮者也

沈煥新字雷昭太常寺卿漢七世孫為人淳厚耕讀承先無故不入城市鄉里敦敬之子培源字海容幼好學工詩文屢試輒墮復以積勞成怯早卒族人以喬梓品行端方不忍沒庚午歲公請入本邑太常寺祠陪祀本吳縣舖攤陳

王銓字然明號澹園少補諸生性和厚有幹濟才勇於任事倡修飲焉得春諸橋而役之最大者如渡船橋并東西石塘數十丈首捐金以倡率里人自興工以迄竣事親視不少怠至於建宗祠修宗譜捐貲置公產可垂於後世者不少卒年八十一子宏業字恆發諸生曾培字冀馴諸生工制藝為世典型嘉惠及門者指不屈勝曾孝字鳴

揚國學生承愷載科貢傳本玉階傳

袁學洙字薪傳候銓州同知家業素封乾隆六年邑令陳奠纓率建同里社倉學洙出貲捐粟為社長卒年八十四

# 同里志

## 卷十二 七壽

五

本同里  
志類

姚世法字永言稟性真純敦行慈讓處事不與人爭常以古道照人齒德並尊鄉閭欽為模楷壽臻大耄與德配顧氏相莊偕老四次榮邀 恩錫卒年八十有九曾孫墀童年力學早工制藝四試場屋不售年甫弱冠遽患沉疴

資志以卒人為之扼腕參任北橋吳江續志 任鳳輪探姚生傳畧

顧我柏字德貞曾祖世美字西荅祖祜禮字介福本生父啓濂字原岳嗣父啓址字兼采年並踰八旬享壽考以終我柏性誠樸行端方言笑不苟待人必以忱悃承先令德勤儉治生始終無怠嘉慶紀元 恩賜九品冠帶壽八

十二而卒本顧朝謨撰傳

凌學瀨字紹淳太學生性孝友自少即善詩文與其內兄張棟齊名試輒冠曹後棄舉業慕遊隣省大僚爭相延致晚年家居以孝弟忠信為教舉止端方為里中矜式年逾八旬而卒子樹勳字策名少穎異從里中周春任思謙游詩文為儕輩所推旋嬰異疾遂棄舉業嘗為塾師遇有不足者輒以己所入貲賙人至不能自給人咸義之孫

汝驥字軼凡資賦英敏力學工詩文善歐顏書能承其家學惜乎早世士林有童烏之歎云本任兆麟吳江續志

顧傳師字持恆附貢生自幼力學工文及門多知名士後得弱疾傳程詢導引術通岐黃就醫者衆甚性孝友與弟製錦同居事親自首無間族姪我鈞早卒託管家業迨遺孤後藝長即陽其業無缺又助親族中之貧不能葬者

無疾而卒年八十有六本願汝敬志黨

陳天揆字浩如有少才識雍正甲寅時年十八稷糠圩失火汲水無路延災連絡遂得一坵內地捐建水埭義取既濟咸屬不能婚嫁者躬任之未葬者置移定畢籍字等圩葬之人有紛爭無不排解橋廟傾圮力為建修凡嘉惠於人者不少未嘗有德色卒年七十有四里人誦其德不衰本徐鼎亨撰傳

任球字夔鳴少治舉業從吳濂游既入太學不慕仕進好尋佳山水凡江浙名勝之區靡不遍歷即紀以詩年八十四無疾而卒著夔鳴文稿紀遊山水錄孫謨字廷宋邑諸生積學早世本任兆麟吳江續志黨下同

任琳字昆美太學生慷慨尚義乾隆三十八年鎮之西北捐建渡船亭四十四年捐建鎮北流虹橋行人賴之子祖望字興鎬太學生亦尚義疎財九里村永寧橋歲久傾圮將出貲重建而有志未成嘉慶十六年子振業興工重建

朱光震字景揚太學生有幹濟才勇於任事里中橋廟建修多出其手而役之最大者翊靈神院城隍殿及兩廡樓房門垣募貲鼎新往來親視寒暑不少懈年踰八旬卒

任思敬字秉義少攻舉業入太學年踰八旬嗣續繁昌五代同堂嘉慶十一年巡撫汪志伊藩司張師誠具題給昇平人瑞額 旌之卒年八十六子鳳綸字國華邑諸生有文名屢入秋闈薦而不售遘厲疾卒著有丹峯制義

# 同里志

## 卷十二 仁壽

顧懷慈字祀瞻太學生練達時務勇於事功嘗捐田以擴土地堂基址其治家接物一循法度宗黨以為矜式